


佛祖歷代通載

一

據中國國家圖書館藏元至
正七年釋念常募刻本影印
原書版框高二十一·八釐
米寬十三·五釐米







佛祖歷代通載序



浮圖氏之論世動以大劫小劫為言中國
文字未通蓋不可知也摩騰竺法蘭至漢
而後釋迦佛之生滅可以逆推其歲年自
是中國之人得以華言記之自天竺及旁
近諸國東來者莫盛於西晉至于姚秦石
趙等國其人則鳩摩羅什佛圖澄那連耶
舍曇無讖諸師而東土卓絕奇偉之士生

序

一

肇融叡等相為羽翼翻譯經義盡為華言
而佛理之精無不洞究先覺之士至有逆
知其至理之未至者佛學之行莫博於此
時矣彌天道安至於遠公辟地東南佛陀
耶舍遠相從游而辟世君子相依於離亂
之世乃若寶公雙林諸公起而說法而佛
學大盛於東南矣若夫智者弘法華於天
台三藏開般若於唐初清涼廣華嚴於五

臺密公說圓覺於草堂宣公嚴律教於南山金剛啓秘密於天寶大小三乘唯識等論專門名家豪分縷析汗牛充棟學者千百有皓首而不能窮極者焉達磨之來則有五傳其衣五宗斯立同源異派自梁唐宋謂之傳法正宗我

國朝秘密之興義學之廣亦前代之所未有此其大略也記載之書昔有寶林等傳

序

二

世久失傳而傳燈之錄僧寶之史僅及禪宗若夫經論之師各傳於其教宰臣外護曰事而見錄豈無遺闕近世有為佛祖統紀者擬諸史記書事無法識者病焉時別有若嘉興祥符禪寺住持華亭念常得臨濟之旨於晦機之室禪悅之外博及羣書乃取佛祖住世之本末說法之目錄譯經弘教之師衣法嫡傳之裔正流旁出散聖

異僧時君世主之所尊尚王臣將相之所
護持論駁異同參考訛正二十餘年始克
成編謂之佛祖歷代通載凡廿二卷其首
卷別言彰所知論噐世界情世界道果無
為五論則我

世祖皇帝時
發思八帝師對

御之所陳說是以冠諸篇首其下則以天

布

元甲子紀世主之年曰時君之年紀教門
之事去其繁襍謬安存其證信不誣而佛
道世之汙隆盛衰可並見於此矣嗟夫十
世古今不離當念塵影起滅何足記哉嘗
見瀉山有問於仰山每多年代深遠之對
則亦憫先覺之無聞者乎而法華一經前
劫後劫十號無二又曰觀彼久遠猶若今
日別此書宜在所取乎至正元年六月十

一日微笑菴道人虞集序



序

四

板甫嘉興城東
雲門菴印行

佛祖歷代通載畧例叙

念常本華亭黃氏子母楊嘗祈享於觀音夢老僧自稱大長老託宿而娠生於至元十九年壬午三月十二日亥時齟歲依圓明院僧體志出家習讀經史元貞乙未給總統所文憑薙髮受具弱冠時游江浙大叢林博究經律宿師碩德以禮為羅延之席上皆撝謙而已至大戊申佛智晦機禪師自百丈赴淨慈懷香叅承值師上堂舉太原孚上座聞角聲曰緣脫然有省遂呈所解師領之俾典記室服勤七載盡發所秘延祐乙卯先師遷徑山再叅籌室令歸後版次年

朝廷差官拯治教門事公舉住嘉興祥符至治癸亥應選赴京繕寫金字藏經觀光三都之勝游礼五臺竊謂衰晚無庸遯跡閑散暇日檢閱內外典籍慨念宗門紀載之書散襍浩繁可知次序故以時君年代紀教門事實世道汚隆法運通塞如指諸掌庶便討論敬輯

帝師所說彰所知論冠于篇首者尊今也吾

佛未生以前時代本不與書欲便初學故自太古始其於帝王即位改元崩殂僭國之君及宰臣護教尊法者畧見始末餘不書帝王於聖教有所御製及大

臣碩儒撰述其間有闕涉教門者亦皆具載其於僧
道對牘論辯詳書以備叅攷世尊示滅凡百年一書
栴檀像及教流東土之年倣此以至佛祖傳法偈或
疑無翻蓋未之考今詳著于梁大同六年之下若夫
教門事要異同訛正畧加攷定存其信實芟其浮偽
據諸書摭集統而成編命曰佛祖歷代通載一依本
傳不以私臆謬加論辯一二同志勸鋟諸梓邵菴學
士寵之以序僭躡之罪無所逃矣或恐繁失於冗簡
失於陋頽與君子商之以俟博雅筆削成書則學者
之幸教門之幸也至正七年龍集丁亥五月五日前

三〇二

通載畧例

二

嘉興路大中祥符禪寺住山比丘念常叙

比丘念常回施

平江路治中也先不花相公看藏經寸錢壹拾
定刊通載二卷功德祝貢

相公辛巳本命星官

夫人忽都的斤壬午本命星官合家本命星官
伏願紫綬金章永股肱於

王室芝蘭玉樹盈軒蓋於高門

佛祖歷代通載卷第一目錄

七佛偈

彰所知論器世界品

日輪

月輪

諸星宿

妙高山三十三天

情世界總有六種地獄餓鬼傍生人道非天天道

人祖大梵

大三末多王及諸王種

通載一卷

器世界壞

贊語



八丁



[Faint bleed-through text from the reverse side of the page, including characters like '佛', '法', '僧', '三寶', '四無所畏', '五不怖懼', '六不退轉', '七不壞信', '八不離欲', '九不捨身', '十不取捨']

佛祖歷代通載卷第一

吳郡步縣卿刊

嘉興路大中祥符禪寺住持華亭念常集

七佛偈



毘婆尸佛

過去莊嚴劫第九十九尊

偈曰身從無相中受生猶

如幻出諸形像幻人心識本來無罪福皆空無所住

長阿含經云人壽八萬歲時此佛出世種刹利姓拘

利若父槃頭母槃頭婆提居槃頭婆提城坐婆羅樹

下說法三會度人三十四萬八千人神足二一名騫

茶二名提舍侍者無憂子方膺

尸棄佛

莊嚴劫第九十九尊

偈曰起諸善法本是幻造諸惡

三月六五

通載一朱

一

業亦是幻身如聚沫心如風幻出無根無實性長阿

含經云人壽七萬歲時此佛出世種刹利姓拘利若

父明相母光曜居光相城坐分陀利樹下說法三會

度人二十五萬神足二一名阿毘浮二名婆婆侍者

忍行子無量

毘舍浮佛

莊嚴劫第一千尊

偈曰假借四大以為身心本無

生曰境有前境若無心亦無罪福如幻起亦滅長阿

含經云人壽六萬歲時此佛出世種刹利姓拘利若

父善燈母稱戒居無喻城坐博洛义樹下說法二會

度人一十三萬神足二一名扶遊二名鬱多摩侍者

寐滅子妙覺

拘留孫佛

見在賢劫第一尊

偈曰見身無實是佛身了心如

幻是佛幻了得身心本性空斯人與佛何殊別長阿

含經云人壽四萬歲時此佛出世種婆羅門姓迦葉

父禮德母善枝居安和城坐尸利沙樹下說法一會

度人四萬神足二一薩及二毘樓侍者善覺子上勝

拘那含牟尼佛

賢劫第二尊

偈曰佛不見佛知是佛若實

有知別無佛智者能知罪性空坦然不怖於生死長

阿含經云人壽三萬歲時此佛出世種婆羅門姓迦

葉父大德母善勝居清淨城坐優曇婆羅樹下說法

三八四

道載一末

二

一會度人三萬神足二一舒樂那二鬱多樓侍者安

和子導師

迦葉佛

賢劫第三尊

偈曰一切衆生性清淨從本無生無

可滅即此身心是幻生幻化之中無罪福長阿含經

云人壽二萬歲時此佛出世種婆羅門姓迦葉父梵

德母財主居波羅奈城坐尸拘類樹下說法一會度

人二萬神足二一提舍二婆羅婆侍者善友子進軍

釋迦牟尼佛

賢劫第四尊

偈曰法本法無法無法亦法

今付無法時法法何曾法姓刹利父淨飯天母大清

淨居舍衛城坐菩提樹下說法一會弟子一千二百

五十人度人無數神足二一舍利弗二目犍連侍者
阿難子羅睺羅

古佛應世綿歷無窮不可以周知悉數也世尊有
云我以如來知見力故觀彼久遠猶若今日故按
佛名經紀過現二劫千如來暨于釋迦但標七佛
阿含經云七佛精進力放光滅暗冥各各坐諸樹
於中成正覺佛祖偈翻譯乃高僧雲啓一同天竺
那連耶舍三藏於龜茲國譯出本末載於梁大同
六年

三十二

道載一卷

三

大元帝師發合思巴說
彰所知論

宣授江淮福建等處釋教總統法性三藏弘教佛智大師沙羅巴譯

器世界品

器世界所成之體即四大種種具生故地堅水濕火
煖風動是等大種取極微細者曰極微塵亦名隣虛塵
不能析釋彼七隣虛為一極微彼七極微為一微塵
彼七微塵為一透金塵彼七透金塵為一透水塵彼
七透水塵為一兔毛塵彼七兔毛塵為一羊毛塵彼
七羊毛塵為一牛毛塵彼七牛毛塵為一遊隙塵彼

七遊隙塵為一蟻量彼七蟻量為一蝨量彼七蝨量
為一麥量彼七麥量為一指節三節為一指二十四
指橫布為一肘四肘為一弓五百弓量成一俱盧舍
八俱盧舍成一由旬此是度量世界身相成世界曰
由一切有情共業所感云何成耶從空界中十方風
起互相衝激堅密不動為妙風輪其色青白極大堅
實深十六洛义由旬廣量無數由煖生雲名曰金藏
降注大雨依風而住謂之在海底十一洛义二萬由
旬廣十二洛义三千四百半由旬其水搏激上結成
金如熟乳停上凝成膜即金地輪故水輪減唯厚八

洛义餘轉成金厚三洛义二萬由旬金輪廣量與水
輪等周圍即成三倍合三十六洛义一萬三百五十
由旬其前風輪娑婆界底地水二輪四洲界底於
地輪上復澍大雨即成大海被風鑽擊精妙品聚成
妙高山中品聚集成七金山下品聚集成輪圍山雜
品聚集成四洲等其妙高體東銀南琉璃西玻瓈珂
北金所成餘七唯金四洲地等襟品所成彼輪圍山
唯鐵所成其妙高量入水八萬綸繕那比於餘山皆
悉高妙故曰妙高然後次第七金山者一踰乾陀羅
高四萬由旬二伊沙陀羅高二萬由旬三佉得羅柯

高一萬由旬四脩騰娑羅高五千由旬五阿輪割那

高二千五百由旬六毘泥怛迦那高千二百五十由

旬七及民陀羅高六百二十五由旬藏論疏云一持

三擔木山四善見山五馬耳山六象鼻山七魚背山四大洲外有輪圍山高三

百一十二由旬半彼等廣量各各自與出水量同七金

山間諸龍王等遊戲之處名曰戲海八山間七海近

妙高者一踰乾陀羅海廣八萬由旬二伊沙陀羅海

廣四萬由旬三佉得羅柯海廣二萬由旬四脩騰娑

羅海廣一萬由旬五阿輪割那海廣五千由旬六毘

泥怛迦那海廣二千五百由旬七及民陀羅海廣一

四万五千五道載一卷

千二百五十由旬盈八功德水八山七海其相咸方

外海味鹹及民陀羅至輪圍山二山相去三洛义二

萬二千由旬其外海水雖無有分由妙高色東海色

白南海色青西海色紅北海色黃現是等色故稱四

海是彼周邊三十六洛义七百五十由旬外輪圍山

周圍三十六洛义二千六百二十五由旬其外海南

瞻部洲者狀如車廂狹向鐵圍三由旬半餘三邊

者各二千由旬周圍六千三由旬半有二中洲東遮

摩羅此云牛西婆羅摩羅此云勝瞻部中央摩竭陀國

三世諸佛所生之處次此向北度九黑山有大雪山

名具吉祥其山北邊有香醉山是二山間有大龍王
名曰無熱所居之池曰阿耨達此云無熱其狀四方面各
五十由旬周圍二百由旬池內徧滿八功德水從此
池內出四大河東流伽河從象口中流出銀沙共五
百河流歸東海南辛渡河從牛口中流出琉璃沙共
五百河流歸南海西縛芻河從馬口中流出玻璃珂
沙共五百河流歸西海北悉怛河從師子口中流出
金沙共五百河流歸北海是彼四河從無熱池右遶
七匝隨方流轉是香山北度二十由旬彼處有岩名
難陀岩面各五十由旬周圍二百由旬高三由旬半

四七七

通載一卷

六

又有八千小岩其岩北邊二十由旬有娑羅樹王名
曰善住其根入地四十多量高八十多量七重行樹
羅列圍繞東邊度二十由旬有緩流池其狀圓相廣
五十由旬周圍一百五十由旬又有八千小池盈八
功德水內有蓮華葉若牛皮其莖如軸花若車輪味
美如蜜是處又有帝釋臨戰所乘象王名曰善住與
八千象寒四月時住金岩所熱四月時住善住所雨
四月時住緩流池無熱池側有瞻部樹果實味美其
量如甕熟時墮水出瞻部音龍化為魚吞噉是果殘
者遇流成瞻部金由此樹名故號瞻部此洲向西有

烏佃國大金剛宮持種所居金剛乘法從彼而傳南海之中山曰持瓶觀音菩薩居止其頂聖多羅母居心山下東有五峯文殊菩薩居心其上有十六大國千數小國又有三百六十種人七百六十種異音其外海東洲曰勝身狀若半月對妙高邊三百五十由旬餘邊六十由旬周圍六千三百五十由旬其洲二邊有二中洲北提訶此云南毘提訶勝身是彼三洲越餘洲等七多羅樹或曰洲人相見端嚴其身勝故名曰勝身其外海北洲曰鳩婁其狀四角曼方相似邊各二千由旬周圍八千由旬其洲二邊有二中洲

曼加

通載一卷

七

亨

一名鳩婁此云有勝二高羅娑此云有勝邊彼洲人等所有受

用出如意樹臨沒七日其如意樹出不羨音報曰當七

日死或曰洲人卑舌即割食肉鬼音故曰鳩婁是不

拈特

羨音其外海西洲曰牛貨形如滿月徑二千五百由旬周圍七千五百由旬有二中洲南舍拈此云此拈

搵鳥

但羅曼但哩拏此云儀上彼洲人等多寶牛貨故曰牛貨

洲海山等向下皆悉八萬由旬近金地故近瞻部洲

星割棘洲金洲月洲等者係瞻部洲餘大洲等小洲

亦尔次上空中四萬由旬純淨無礙勝堅風輪從右

而旋日月星宿空居天等依心而住

日輪者火珠所成徑五十一由旬周圍百五十三由旬厚六由旬零十八分上有金緣其上復有金銀琉璃玻瓈珂等秀成四角日天子等所居宮殿由風運行一晝一夜遶四大洲日行向北時日即長南行時短行南北間時晝夜停由遊處光即有寒暑為冬夏際北行六月南行六月行至中道曰日月迴星輪歷徧謂之一歲

月輪者水珠所成徑五十由旬周圍百五十由旬厚六由旬零十八分其上復有金銀琉璃玻瓈珂等秀成四角月天子等所居宮殿是彼日月相去遠近自

三言六九

通載一卷

八

影增減由增一分即生上半十五分畢謂之圓滿由減一分即生下半自影覆彼十五分畢曰不圓滿由增減故名曰宿空由一晝夜名曰宿地如是三十名曰一月

諸星宿者空居天宮諸寶所成其形皆圓小一牛吼中三牛吼大六牛吼周圍三倍係四王衆

妙高山者有四層級始從水際向上相去十千由旬即初層級從妙高山傍出十六千由旬向上相去一萬由旬即二層級傍出八千由旬向上相去一萬由旬即三層級傍出四千由旬向上相去一萬由旬即

四層級傍出二千由旬彼妙高山其頂四角各秀一
峯高四由旬半廣百二十五由旬周圍五百由旬有
藥义神於中心住是山頂上三十三天中央城曰善
見純金所成高一由旬半面各二千五百由旬周萬
由旬其城体金俱用百一櫛寶巖飾其地柔軟如堯
羅綿是城四面有一萬六千寶柱寶桴寶椽寶簷四
面四門又有千數闢一小門四大衢道有諸小衢其
四門側五百天子皆服堅鎧守護是門城中有帝釋
殿曰寂勝處亦曰殊勝殿其狀四方高四百由旬半
面各二百五十由旬周千由旬百一邽敵二邽敵各有七樓

四、五

道載一卷

九

林

一一寶樓各七小樓一一小樓各七池沼二池沼各七蓮華
一一華上各有七數童男童女奏種種樂歌舞歡娛
善見城東有諸所乘曰衆車苑高千由旬南臨戰處
曰衆惡苑西諸行處曰相雜苑北遊戲處名歡喜苑
縱廣同前其苑等外度二十由旬有善地曰衆車衆
惡相雜歡喜量同四苑善見東北有如意樹名波利
闍多亦名圓生樹根深五十由旬高百由旬枝条傍
布五十由旬能施欲樂下有盤石曰阿嚩摩麗歌色
白如氎西各五十由旬周二百由旬善見西南諸天
集處名善法堂周九百由旬其狀圓相是堂中央有

帝釋座純金所成其座周圍有三十二輔臣之座咸
皆布列三十三天向上度八萬由旬於空界中依風
而住諸寶所成○離諍天宮量若妙高山頂二倍上
度一億六萬由旬於空界中依風而住諸寶所成○
兜率天宮量如離諍縱廣二倍上度三洛叉二萬由
旬於空界中依風而住諸寶所成○化樂天宮量如
兜率縱廣二倍上度六洛叉四萬由旬於空界中依
風而住諸寶所成○他化自在天宮量同化樂縱廣
二倍此即欲界上有初禪如是四洲七山妙高輪圍
欲界六天并初禪等謂四洲界一數至千為小千界

通載一卷

一小鐵圍山圍繞此小千界一數至千為中千界一
中鐵圍山圍繞此中千界一數至千為三千大千世
界一大鐵圍山圍繞如有百億數四洲界等皆悉
行布鐵圍山等諸洲山間黑暗之處無有晝夜舉手
無見○初禪天量等四洲界○二禪天量等小千界
○三禪天量等中千界○四禪天量等三千大千世
界其相去量皆倍倍增謂曰色界○無色界者無別
處所若有生者何處命終即彼生處住無色定故曰
無色

情世界品

謂情世界總有六種一者地獄二者餓鬼三者傍生
四者人五者非天六者天此等六種名義云何謂斫
壞肢體故曰地獄飢渴所逼故曰餓鬼傍覆而行故
曰傍生意多分別故名曰人摩菟沙義身及受用雖與
天同微今鄙劣或由無酒故曰非天阿脩羅義從梵身
生遊戲娛樂或應供養故謂曰天是提婆義一地獄
者瞻部洲下過二萬由旬曠廓四方二萬由旬純鐵
所成火焰洞然有八熱獄一曰更活二曰黑繩三曰
衆合四曰號叫五曰大號叫六曰炎熱七曰大炎熱
八曰無間。更活獄者生彼有情先業所感執衆器

四三
道載一卷

十一

仗互起冤憎遞相斫害段段墮落悶絕暫死空音更
活彼等有情即便更活復相斫害彼壽量者四天王
天一生之期為一晝夜如是算數壽五百歲受是苦
楚。黑繩獄者其獄卒等於有情身從頂至足拚累
黑繩以火鋸鉞解斫肢體由先業力解下上生彼壽量者
忉利天一生之期為一晝夜如算數壽一千歲受是
苦楚。衆合獄者生彼有情以鐵槌打或二鐵山猶
如羊頭二山相合研磕摧壞二山開時復自然火又
被摧壞彼壽量者離諍天一生之期為一晝夜如是
算數壽二千歲受是苦楚。號叫獄者生彼有情怖

鑊
瓜胡

熟鐵池入稠林中火焰熾盛永歲焚燒由先業力其
舌縱廣千由旬量有一大牛鐵角鐵甲架鐵犁鑊火
焰熾盛耕犁其舌彼壽量者堯率天一生之期為一晝
夜如是算數壽四千歲受是苦楚。○大號叫獄者亦
與前同其苦倍增彼壽量者化樂天一生之期為一
晝夜如是算數壽八千歲受是苦楚。○炎熱獄者三
重鐵城火焰洞徹內受苦楚彼壽量者他化自在天
一生之期為一晝夜如是壽數萬六千歲受是苦楚
○極炎熱獄者亦同其前其苦倍增彼壽量者等半中
劫受是苦楚。○無間獄者於鐵室內身一聚焰受極

四七

通載卷

十二

苦楚彼壽量者等一中劫。○十六增獄者八熱獄傍
面各四所一塘煨增深皆沒膝有情遊彼才下足時
皮肉與血俱焦爛墜餘剩其骨舉足還生平復如本
二尸糞增不淨淤泥沒有情腰於中多有攘矩吒蟲
甯利如針鑽皮透骨啞食其髓三峯刃增復有三種
一刀刃路謂於此中仰布刀刃以為大道有情遊彼
才下足時皮肉與血俱斷碎墜舉足還生平復如本
二劒葉林謂此林樹純以鈷利劒刀為葉有情遊彼
風吹葉墜斬刺肢體骨肉零落有烏駝狗齧掣食之
三鐵刺林名鈷摩利謂此林樹有利鈷刺長十六指

齧
如莊

剗
銜鋤

疱
教皮

有情被逼上下樹時其刺鈹利上下剗刺是等有情
血肉皮等掛染刺上唯剩筋骨有鐵鬚烏探啄有情
眼睛腦髓爭競而食刀刃路等三種雖殊而鐵仗同
故一增攝四烈河增名曰無渡徧滿極熱烈灰汁水
有情入中或浮或沒或逆或順或橫或豎被蒸被煮
骨肉糜爛如大鑊中滿盛灰汁置稻米等猛火下然
米等於中上下迴轉舉體糜爛有情亦然設欲逃避
於兩岸上有諸獄卒手執刀鎗禦捍令回無由得出
此河如塹前三似苑彼等名曰近邊地獄○八寒獄
者一曰水疱二曰疱裂三阿吒吒四阿波波五嘔喉喉

通載平卷

四百五字

六裂如鬱鉢羅華

此云青蓮華

七裂如蓮華八裂如大蓮

華○水疱獄者生寒水間極其嚴寒隨身生疱曰水

疱獄彼壽量者摩伽陀國所有大斛八十斛麻百年

除一若芝麻盡彼壽亦尔○疱裂獄者由極嚴寒其

疱而裂黃水漏流彼壽量者倍前二十○阿吒吒獄

者由大嚴寒咬齒忍耐彼壽量者倍前二十○阿波

波獄者忍寒音聲彼壽量者倍前二十○嘔喉喉者

由寒涕泣出是苦聲彼壽量者倍前二十○裂如鬱

鉢羅華獄者嚴寒身裂如鬱鉢羅華葉彼壽量者倍前

二十○裂如蓮華獄者嚴寒身裂如蓮華開彼壽量者

倍前二十。裂如大蓮華獄者身裂越前如大蓮華
開敷多葉彼壽量者倍前二十孤獨獄者在贍部提
曠野山間一晝一夜受苦受樂相雜受故八熱地獄
八寒地獄近邊孤獨如是名為十八地獄

二餓鬼者王舍城下過五百由旬有餓鬼域名曰黃
白亦名慘淡彼鬼王曰閻羅法王共三十六眷屬等
居其類有四一者外障二者內障三者飲食障四者
障飲食一外障者飲食音聲亦不得聞二內障者獲
微飲食口若針竅不能得入設能入口咽如馬尾無
能得過設若過咽腹若山廓不能飽滿雖滿腹中脛

三十七十四

通載卷

十四

如草莖無能舉動受此大苦三飲食障者見飲食時
無量獄卒執諸噐仗守禦無獲四障飲食者食飲食
時由業所感鐵丸銅汁瀉置口中從下流出如是四
種皆是餓鬼彼壽量者人間一月為一晝夜如是算
數壽五百歲即當人間一萬五千歲或居人間寒林
等處食血肉等皆餓鬼類

三傍生者多居河海亦如酒糟混濁而住以大食小
以小食大互相驚怖由海波濤住所不定或處人天
彼壽量者長如龍王壽半中劫短如蚋等壽一刹那
身量無定

四人者住四大洲八中洲等及諸小洲彼壽量者如
瞻部洲人初成劫時其壽無量次後漸減今六十歲
次後漸減至十歲間次復漸增無有定量北鳩婁人
定壽千歲東勝身人壽五百歲西牛貨人壽二百五
十歲除北鳩婁餘有天橫彼等受用北鳩婁中食自
然稻衣服瓔珞出如意樹餘三洲者食穀肉等資寶
受用彼等身量瞻部提人身量四肘東勝身人身量
八肘西牛貨人身十
六肘北鳩婁人身三十二肘人等面相亦如洲狀其
小洲人亦如大洲身各減半故如是說
五非天者妙高水際下過一萬一千由旬山曠廓閒

四下十

通載一卷

十五

茂

光明城內阿脩羅王曰羅睺羅此云攝衆眷屬居又過一
萬一千由旬星鬘城內阿脩羅王名曰項鬘衆眷屬
居又過一萬一千由旬堅牢城內阿脩羅王名曰妙
鎮又曰大力衆眷屬居又過一萬一千由旬甚深城
內阿脩羅王名曰毘摩質多羅此云亦云紋身衆眷屬居
常共帝釋比對鬪諍城曰具金殿名奏樂如意樹王
名即恒鉢唵聚集之處名曰賢財石名善賢苑名普
喜妙喜寂喜甚喜善地亦名普喜妙喜寂喜甚喜臨
戰所乘象名無能敵遊戲所乘象名壘雪馬曰峭膝
是等非天共三十三天諍須陀味及脩羅女為戰諍

膝
骨
蒲

故從山廓出身服金銀琉璃玻瓈珂等堅固鎧甲手
執劔槊標鎗弓箭領四部軍彼阿脩羅王羅睺羅項
鳩妙鎮毘摩質多羅等或前三來或四皆來是時帝
釋五守護衆一住戲海願樂白法龍王等衆與非天
軍聞戰令迴龍若不勝去堅守所共二守護復與脩
羅聞戰又若不勝去持鬘所共三守護復與聞戰又
若不勝去恒憍所共四守護復與聞戰又若不勝去
四王所共五守護復與聞戰四大天王率四軍衆服寶
堅鎧執諸戈杖聞戰多分四天王勝若不能却去切
利天前白帝釋曰我等守護不能回彼脩羅王應却

通載一卷

十六

三十九
敵如是白已天主帝釋乘善住象告三十三天衆等
曰汝等應知今脩羅軍至妙高頂當服堅鎧取所乘
車與脩羅戰說是語已彼諸天子各服寶鎧執持戈
仗去衆車苑取所乘車入廡惡苑身心轉惡出善見
城共脩羅戰若脩羅勝侵至城內若天得勝逐脩羅
軍至第一海聞戰之時天與非天斷其頸腰彼等即死
手足若斷復生如本若薄伽梵辟支佛轉輪聖王住
世閒時諸阿脩羅不起諍心設若相持諸天必勝世
閒善增天衆亦勝世不善增阿脩羅勝是故諸天護
持善事

六天者欲界六天色界十七無色界四欲界六天者
蘇迷盧山第一層級堅首衆居第二層級持鬘衆居
第三層級恒憍衆居持雙山上北方有城名阿那迦
縛帝多聞天王藥叉衆居如是東方城名賢上有大
天王名曰持國乾闥衆居西方有城名曰衆色有大
天王名曰廣目龍神衆居南方有城名曰增長有大天
王名曰增長焰鬘衆居餘四層級七金山等日月星
宿鐵圍輪山瞻部洲山多羅樹所四王部衆亦住止
住咸屬四王是謂一部彼壽量者人五十歲為一晝
夜如是壽量經五百年若其身量一俱盧舍四分之

四七八
道載一卷

一七

一三十三天妙高頂上天主帝釋住寂勝處共非天
女名曰妙安同衆天女受諸欲樂無有厭足復有臨戰
所乘象王名曰善住遊戲苑中所乘象王名曰藹羅
筏拏此云持地子二象周圍各七由旬各以八千小象衆居
又有馬王名迅疾風與八千馬居天主輔臣數三十
三是故名曰三十三天諸天子等耽五欲樂若放逸
時有大天鼓鼓聲出音警諸天曰諸行無常有漏皆
苦諸法無我寂滅為樂與脩羅軍鬪戰之時出除苦
音警曰天願得勝願脩羅敗宮殿城池樹集石等如
前所辨彼天壽量人間百歲為一晝夜如是算數壽

一千歲其天身量半踰閻那。焰摩天者三十三天共非天諍此離諍故名離諍天。彼天壽量人二百歲為一晝夜。如是算數壽二千歲其天身量二踰閻那。○兜率陀天者有慈氏尊紹世出世法王之位受大法樂。謂曰兜率是俱樂部義。人間四百年彼天一晝夜。壽四千歲。身量四踰閻那。○化樂天者自化受用。謂之化樂。人間八百年彼天一晝夜。壽八千歲。身量八踰閻那。○他化自在天者受用他化。謂之他化自在。彼中天王威德自在。即是魔主人間千六百年彼天一晝夜。壽一萬六千歲。身十六踰閻那。下從無間至他化

四ノ九

道載一卷

六

自在天謂之欲界。耽著欲樂。所食段食。故如是說。○色界一十七天者。四靜慮攝。○初禪三天者。謂梵眾、梵輔、大梵。彼天壽量。梵眾半劫。梵輔一劫。大梵一劫。半。彼天身量。次第半由旬。一由旬。一由旬。半。○二禪三天者。謂少光、無量光、極光。彼天壽量。少光二劫。以上四天四十中劫為一大劫。已無量光四劫。極光八劫。下諸天八十中劫為一大劫。彼天身量。少光二由旬。無量光四由旬。極光八由旬。○三禪三天者。謂少善、無量善、廣善。彼天壽量。少善一十六劫。無量善三十二劫。廣善六十四劫。彼天身量。少善十六由旬。無量善三十二由旬。廣善六十四

由旬。○四禪八天者無雲福生廣果。三是凡居無煩
無熱善現善見色究竟。五是聖居名曰五淨居。彼天
壽量無雲百二十五劫。福生二百五十劫。廣果五百劫
無煩一千劫。無熱二千劫。善現四千劫。善見八千劫。色
究竟一萬六千劫。彼天身量無雲一百二十五由旬。福
生二百五十由旬。廣果五百由旬。無煩一千由旬。無熱
二千由旬。善現四千由旬。善見八千由旬。色究竟一
萬六千由旬。始從梵衆至色究竟。皆名色界。出離欲
樂非離色。故故名色界。○無色界四天者無有身色
亦無處所。從定分四謂空無邊處。識無邊處。無所有

四ノ十

通載一卷

一九

茂

處非想非非想處。彼天壽量空無邊處。二萬大劫。識
無邊處。四萬大劫。無所有處。六萬大劫。非想非非想
處。八萬大劫。彼等四處謂無色界。非離定色。出離魚
色。故名無色。彼等壽量謂歲劫時。其量云何時寂少
者名。那百二十刹那為一怛刹那。六十怛刹那
為一羅婆。三十羅婆為一年。休多此云三十年休多
為一晝夜。三十晝夜即為一月。十二個月即為一年。
劫有六種。一中劫或名劫二成劫。三住劫。四壞劫。五空
劫。六大劫。一中劫者。或瞻部人從無量歲漸漸減至
八萬歲時。即成劫攝。從八萬歲減至十歲。謂中劫初

人祖
大梵

復增八萬歲減至十歲為一轉轆如是增減十八數者為十八中劫然後十歲至八萬歲中劫後際前後中間十八轉轆為二十中劫二成劫者始從風輪至無間獄生一有情器世界成經一中劫如前已說情世界者此三千界火壞後成從極光天天人命終生大梵處孤生疲勑嗚呼若有同分生此界者有何不可教如是心雖非念力極光天人命終者即生彼處先生之心而作是念由我貪生故世咸稱人祖大梵如次梵輔梵眾他化自在乃至四王次第而生北鳩婁洲西牛貨洲東勝身洲南瞻部洲次第而生

四下十

通載一卷

二

時瞻部洲人壽無量歲飲食喜樂有色意成身帶光明騰空自在如色界天有如是類地味漸生其味甘美色白如蜜其香馥郁時有一人稟性耽味嗅香起愛取嘗便食亦告餘人隨學取食食段食故身光隱沒由衆業惑日月便出照曜四洲次地味隱復生地餅其味甘美色紅如蜜競耽食之地餅復隱次林藤生競耽食故林藤復隱有非耕種自然稻生衆共取食此食廉故即餘滓穢根道俱出爾時諸人隨食早晚取香稻食後時有人稟性懶墮長取香稻儲宿為食餘亦隨學香稻隱沒隨共分田慮防速盡於已分田

大三未
多王

生恠護心於他分田有懷侵奪故生爭競是時眾人

議一有德封分田主眾所許故謂曰大三未多王此云

許眾所王多有子相續紹王嫡子號曰光妙彼子善帝

彼子家善彼子靜齋是等謂曰成劫五王靜齋王子

名曰頂生彼子妙帝彼子近妙彼子具妙彼子嚴妙

是等謂曰五轉輪王嚴妙王子名曰捨帝彼子捨雙

彼子捨固及彼子固室彼子善見彼子大善見彼子

除礙彼子金色彼子具分彼子離惡彼子妙高彼子定行

彼子甚吼音彼子大甚吼音彼子能安彼子方主彼子賢

塵彼子能廣彼子大天此王種族五千相承其最後

四廿

通載一卷

廿一

子七千相承曰阿思摩迦王最後子八千相承曰鳩

婁王其家後子曰具頭王有九千王其家後子名曰

龍音有一萬王其家後子怛弥留怛一萬五千其家

後子名瞿曇氏即甘蔗裔彼子相承甘蔗王種一千

一百數其家後子甘蔗種王名曰增長即懿師摩王

王有四子一名面光二名象食三名調伏象四名嚴

鐺直

鐺稱釋迦氏嚴鐺有子名嚴鐺是彼子致所彼子牛

居彼子獅子頰王有四子一名淨飯二名白飯三名

斛飯四名甘露飯淨飯王子即婆伽梵次名難陀白

淨飯王
子即婆
伽梵

飯王二子一名帝沙即調達二名難提迦斛飯王二

子一名阿尼婁馱二名跋提梨迦甘露飯王二子一名阿難二名提婆達多婆伽梵子名羅睺羅釋迦種族至斯絕矣○又別種王依法興教如來滅度後二百年中印土國王曰無憂於瞻部提王即多分中結集時而為施主興隆佛教後三百年瞻部西北方有王名曰割及尸割三結集時而為施主廣興佛教梵天竺國迦濕弥羅國勤國龜茲担巴辣國震旦國大理國西夏國等諸法王衆各於本國興隆佛法如來滅度後千餘年西番國中初有王曰呀乞唎瞿普二十六代有王名曰拾陀朶唎思顏瞿是時佛教始至後第五代有王名曰雙瞿思甘普時班弥達名阿達陀譯主名曰端羨三波羅翻譯教法脩建拾薩等處精舍流傳教法後第五代有王名曰乞唎雙提瞿是王召請善海大師蓮華生上師迦摩羅什羅班弥達衆成就人等毘盧遮那羅佉怛及康龍尊護等七人翻譯教法餘班弥達共諸譯主廣翻教法三種禁戒興流在國後第三代有王名曰乞唎侏巴膽是王界廣時有積那弥多并濕連怛羅菩提班弥達等共思割幹吉祥積酌羅龍幢等已翻校勘未翻而翻廣興教法西番王種至今有在班弥達等翻譯譯主善知

可
干河湯音

識衆廣多有故教法由興

北蒙古國先福果熟生王名曰成吉思

合始成吉思

後北方王多音國如鐵輪王彼子名曰斡累戴時稱

可罕紹帝王位疆界益前有子名曰古偉紹帝王位

成吉思皇帝次子名朶羅朶羅長子名曰蒙哥亦紹

王位王弟名曰忽必烈紹帝王位降諸國土疆界豐庶

歸佛教法依法化民佛教倍前光明熾盛帝有三子

長曰真金豐足如天法寶莊嚴二曰厖各辣三曰納

麻賀各具本德係嗣亦尔茲是始從釋迦王種至今

王種

通載一卷

廿三

三〇八四

始帝王祖三末多王是時田分互起侵盜初殺偷盜
被王推問言不曾偷始起妄語王法誅戮即有殺害
不善法生尔時衆生造不善法命終之後即生傍生
次生餓鬼漸生地獄次無間獄生一有情時成劫終
如是有情行諸不善壽量漸減受用乏少閻浮提人
壽八萬歲無間地獄生一有情是二同時如是情世
界成十九中劫器世界成即一中劫如是成劫二十中
劫閻浮提人八萬歲時始為住劫住劫亦經二十中
劫至十歲時刀兵灾起唯七晝夜疾疫灾起七月七
日飢饉灾起七年七月七日多分死歿餘者相覩起

希有心互相睦戀遠離殺害漸生善故壽量受用復
增益盛至八萬歲增上之時轉輪王出依法化民下
減之時婆伽梵出拔濟衆生增減時閒獨覺出世令
諸有情而作福田住劫亦經二十中劫始壞劫初情
世界壞無閒獄中無有情生先生業盡即生別趣若
有未盡生上地獄或別世界地獄中生無閒獄空如
是向上地獄漸空生餓鬼趣如是餓鬼傍生趣空人
趣之中除鳩婁人餘共欲天無師法然獲初靜慮生
初禪天北鳩婁人生欲界天獲初靜慮生初禪天無
師法然獲二靜慮生二禪天從無閒獄至梵世空如

是亦經十九中劫然後四洲有七日出初不降雨藥
草叢林悉皆枯竭二日出時溝池乾涸三日出時苑
伽河等悉皆枯竭四日出時無熱池竭五日出時海
水沒膝六日出時大海亦竭七日出時彼器世界一
聚火聳從無閒獄直至梵世以火燒壞經一中劫壞
劫總經二十中劫空劫亦尔如是成住壞空即八十
劫總此八十名一大劫為梵衆等壽量之數

器世界壞有其三種火水風壞者亦如前說如是七次
後世界復成又被水壞至二禪天從極先天即生大
雲降注大雨其器世界如水化鹽消鎔皆盡彼水自

竭一水災次復七火災度七火災還有一水如是
水災滿至七次復七火災後世界成被風災壞至三
禪天其風之力吹散妙高何況其餘第四禪天雖無
外災是等有情生與殿生命盡殿隱如是器情世界
并成壞等咸皆說已

念常讚曰軻書所謂五百年必有王者興其間必
有名世者誠哉是言也迨我

皇元混一區宇萬邦咸寧敬崇佛乘禮請

法王上師薩思迦大斑弥達登思巴惠幢吉祥賢為
帝師廣興好事詔製

三三八

通載一卷

十五

大元國字師獨運摹畫作成稱旨即頒行朝省郡縣
遵用迄為一代典章今茲彰所知論迺

裕宗潛邸時請師所說也大旨約標器情道果無為
五法總攝一切所知故名此論大槩依念處日箴
起世等經論對法相應之義而錯綜其宏綱尔苟
非具大智辯窮法實相其孰能明空幻隣虛之細
大昭然如庵摩勒果觀於掌中哉欽惟

世祖聖德神功文武皇帝道契佛心德超義聖弘護
大教錫以

皇天之下一人之上西天佛子大元帝師璽篆寵優

其尊師重道豈特為萬世

帝王之彛典耶抑亦燦昏塗迷惑之真燈也姑錄器
情二章著于編首餘道果無為三章具於本論云
比丘一清書

佛祖應代通載卷第一

六十八字

通載一卷

廿六

佛祖歷代通載卷第二目錄

盤古王

天皇 地皇 人皇

五紀

有巢氏

燧人氏

伏羲氏 五代一十

社神

神農氏 代凡八

黃帝 凡十代

少昊 代凡十

顓頊 代凡八

帝嚳 代凡九

唐堯

虞舜

夏后氏 凡十代

殷湯 代凡三

周文王

了丸

通載二卷

一

武王 封諸侯十四國

成王 七廟制

稷神

四國諸侯 封王

康王

盤古王

天皇

地皇

人皇

佛祖歷代通載卷第二目錄

佛祖歷代通載卷第二

嘉興路大中祥符禪寺住持華亭念常集

太古諸君

太至極也古飛今也君主也白虎通羣也羣下之歸心也

盤古首君治壹萬八千歲

列子曰運即盤古也北山曰天子曰高一大地曰厚一

丈盤古曰長一丈頭極也極壯開目為曙閉目為夜呼為暑吸為寒吹氣成風雲吐氣成雷霆四時行焉萬物生焉八紘九圍之大其孰與多三皇五紀之尊其孰與先古今記盤古死後形今物象也

天皇氏一身十三頭常昭曰兄弟十三人分地治化各一萬八千歲古今記曰天皇一身上十三首也地皇氏一身十一頭常昭曰兄弟十一人治一萬一

三五六

道載二卷



祥

千年帝王甲子云九千年也有云三皇皆一萬八千年

人皇氏一身九頭常昭曰兄弟九人分治九州帝王甲子云四千五百年人皇六十五代四萬五千六百年

五紀

五龍紀五姓在位二十七萬三千六百年時人食葉居巢

攝提紀七十二姓在位六十四萬九千五百二十年始分晝夜日時月朔月為玉兔蝦蟆金烏三足出

扶桑沒咸池也

合熊紀三姓在位六萬三千年也

連逢紀六姓在位六萬九千年常昭曰三萬二千年

叙命紀四姓在位四萬年也

有巢氏百代不記年禮曰昔者先王未有宮室冬則

瑩窟夏則居櫓巢未有火化食草木之實鳥獸之

肉飲血茹毛也

燧人氏鑽木出火禮曰燔黍擘豚注曰中古未有釜

甑擇米脾肉加于燒石之上食矣古今記曰以木

德王治八萬年

五ノト

道載二卷

二

太古以還四時既序晝夜長短分至斯興書曰暮三

百有六旬有六日以閏月定四時成歲天體至圓周

五度四分度之一繞地左旋常一日一週而過一度

日麗天而少遲故日行九百四十分之數也十月日之

不及一度積三百六十五日日行之數也十月日之

遲九百四十分日之十三度九分九釐又五厘而與日

得全日法九百四十分而一得六不盡三百四十八通計

得日三行百五十四歲有百四十二月日之三十三百八

十者一歲之常數也故日與天會而多五日九百四

日九百四十分日之五者為氣盈月與日會而少五

馬故一歲閏率則十日九百四十分日之八百二十

七三歲一閏則三十三日九百四十分日之六

一五歲再閏則五十四日九百四十分日之三

十五十有九歲七閏則氣朔分齊是為一章也故三年不置閏則春之一月入于夏而時漸不定矣子之則春皆入于夏而時全不成矣積之久而久至三失閏則春皆入于夏而時全不成矣

三皇 中庸子曰皇大也內外雷氏曰起自古三皇

義農 軒轅

太昊伏羲氏 風姓号太昊母曰華胥履巨人跡感而

犧安國首之王 謚 木德都陳留 今兗州小 在位一

百一十年始畫八卦造書契 由是代結繩之制 制嫁

娶 男女適曰嫁 設網罟以取魚 之網羅也 爾雅鳥罟謂

之罟謂 造二十五絃瑟 長七尺二寸 廣一尺八寸

五ノ

通載二卷

三

女媧氏 姓風伏羲之妹 造笙簧 長四尺 列管匏中

小者用竹為之 形狀參差如鳥羽 鍊五色石以

補天缺 斷鼈足以立四極 在位一百四十年

共工氏 大庭氏 柏皇氏 中央氏 陸栗氏

驪連氏 赫胥氏 尊盧氏 混沌氏 吳英氏

葛天氏 朱襄氏 陰康氏 無懷氏 凡一十五

代通一萬七千七百八十七年 經史不載

社神 昔共工氏有子曰后土 能平九州 祀為社神

功不也 知土遠廣潤封土祀之 以報土

炎帝神農氏 姜姓 号炎帝 母姜水 曰以 為姓 龍而生 王

火德都陳遷曲沃在位一百四十年葬長沙易曰
神農氏楸木為耜柔木為耒始教天下播種五穀
又嘗百味為本草治醫藥演八卦為六十四作市
井貨易作祭蜡製五絃琴象五行也自下帝承帝
臨魁帝明帝直帝來帝哀帝揄罔凡八代五百四
十年

丁亥

黃帝有熊氏

姓公孫名軒少典次子生而神靈弱而能言幼而循齊長而敦敏成而聰明

揄罔末年諸侯相伐帝作孤矢征之天下咸伏伏虎狼龜蛇之于埃坂有蚩尤兄弟八十一人銅頭鍊頰受斬于中帝鑄鼎成飛仙攀龍去也壽二百一十歲葬衣冠於橋山 在位一百年臣左徹刻木為相率諸

六十九

通載二卷

四

造合宮製衣服使魯班造舟車

舟游也車舍也

建屋宇制棺槨以送死始有葬禮

禮曰天子七月而葬諸侯五日而葬天子墳高三仞樹以松諸侯半之樹

以柏大夫八尺樹以栗適士官高作咸池樂用天

老力牧太山稽為相

風后定甲子

大橈○帝即位三十八年始命大橈

容成造曆隸首算數問道廣成子

蒼頡為史岐伯辨草木俞附定脉經伶倫制律呂

以調律呂管長九寸以竹置九州歷帝紀云黃帝為之或損或益以定五音 得姓者十二人姬酉祁已滕箴任荀偃始保休分治九州謂真青徐豫雍梁楚揚燕從長至幼以次

甲子

封之後子孫五帝三王並其苗裔帝娶凡十八代

大庭氏生二子長曰有栝幼曰昌意

五帝中庸子曰帝者德教化民也德象天地曰帝

雷氏曰少顓訾唐虞舜傳夏

少昊金天氏姓己名摯字青陽母曰女節有星如虹

之子壽丁卯立 在位八十四年王金德都窮桑又

遷曲阜立坊市用度作樂置一百二十行以鳥紀

官鳳皇至凡十代四百九十年

顓頊高陽氏姓姬名顓頊黃帝孫昌意子有星如虹

辛卯立 在位七十八年王水德都帝丘今濮陽縣作

曆以孟春為元造平冠冕廣八寸長一尺六寸至

制三公九儀二十四司養材任地戴時象天

神人不禱萬物有序生八才子謂之八凱平九黎

之亂制氣以教化潔誠以祭祀辨君臣之道作五

莖之樂合為五行凡八代五百二十年

帝嚳高辛氏姓姬名岐黃帝曾孫有栝孫已酉立

在位七十九年王木德都亳今偃師縣師赤松子置五

行官以勾芒為木正少昊子祝融為火正顓頊子蓐收

為金正少昊子有冥為水正亦少昊子后土為土正高陽子

生八才子謂之八元造鐙鑊鞀鼓鐘磬墳麓鼓以合

甲子

甲子

甲子

通載二卷

五

木擊乃鳴鐘範金合土似鈴而二尺七寸後長二寸
半厚八分名懸鐘磬前長三律而二尺七寸後長二寸
律一尺八寸名黃鐘磬填燒土為之秤大而有六孔
上平尺而有五孔白虎通云形如秤而六孔
與周三寸小者入二上為一尺也凡九代三百五
十年左傳曰蒼舒隤伯奮仲堪赫戲赫豹季仲伯
謂之八元也

甲子

帝堯陶唐氏

姓伊祁名放勳黃帝身孫帝嚳次子甲
辰立位九十八年王火德都平陽州今晉又遷安

邑通舜為政一百一十八年始丙寅終癸卯舜喪
百八十崩葬穀林

謚翼善傳聖曰堯號年曰載師具英先生命羲和

曆象日月星辰敬授民時天降牝羊

五九九五

通載二卷

六

草高八尺月朔生一葉至望全十五葉望後周一葉至
晦凋盡有羔名解豸死葬殿左生朱草長一丈名

立衡室作園棊三十六句教丹朱矣作大樂章

嘉禾茂鳳皇來有賢人三十二人未詳立敢諫鼓

洪水九年命鯀治之十日並現命羿射之九禽斃于

國有女名羲和生十日浴于海中王○張羿善射
時十日並現羿射之九唯一在焉

西王母處得不死藥乃獸芝也妻盜食之奔
八月宮名嫦娥曰此月名蟾蜍即田父矣

甲子

帝舜有虞氏

姓姚名重華字都君顓頊六代孫龍顏
大姚名重華字都君顓頊六代孫龍顏

丙辰

攝位 三十登庸南巡崩於王土德都蒲坂中府堯時攝
蒼梧壽一五十矣

政二十八年通治五十年疑山謚仁聖惠明曰舜

詠南風詩舉十六相八謂元也凱去四兇黃左傳曰驩

過其門不入 **王金德都安邑** 今均州 **為堯司徒** 鄭注也

吏部尚書亦曰天官冢宰太宰二兵部尚書夏官亦名大司馬三戶部地官亦曰大司徒四刑部秋

官亦曰大司寇五禮部春官亦曰大司銓長部 **治水十二**

年乘四載 陸行車水行舟 **開九州** 冀州東南河西

州東南據濟西北距河青州東北距海西南距徐州東北據北至岱南及淮揚州北距淮南距海荆

州東距華山西南及衡陽雍州西南距黑水東北據龍門

西河通九道陂九澤變九山下次九川堯錫 **在位十**

六年 始甲戌終己酉東巡至會稽崩 **號年曰歲建**

寅為正作大夏樂葬用聖 風氏長四尺

啓禹之子 云生石中 **癸未立** 在位九年 **十年** 云郊禘

祖宗 顓頊黃帝文祖 郊禘 配天祖 父 祖 **啓祀立**

廟祧壇 **太祖禹** 二穆 **五廟**

太康 啓之子啟于洛十旬不返 **壬辰立** 治二十九年

仲康 太康之弟 **辛酉即位**

帝相 治二十八年 **商丘** 為有窮后羿所殺而篡其位

羿自立三十年復為夏臣誅

少康 相之子母曰有仍氏有田一成有衆 **癸未立** 治

四十九年 作箕篇

癸卯立 治十七年

庚申立 在位二十六年

槐 子寧之

甲子十

甲子九

甲子八

通載二卷

八

芒子規之丙戌立治十八年

甲子

泄子芒之甲辰立治十六年

不降子泄之庚申即位治五十九年

高弟不降己未立治二十一年

甲子

厘子高之庚辰即位治二十年

孔甲夏不降子德衰諸侯叛之辛丑立治三十一年

湯始生

甲子

皐子孔甲壬申立治十一年

穀子皐之癸未即位治十年十一云

桀色穀迷酒變字彫墻民墜塗炭以諫為妖殺閔罷逢

通載二卷

九

甲子

焚黃圖二臣大廢夏道時有二日開明晦自壬寅

即位都安邑治五十二年

凡十七代通四百三十二年

殷 雷氏曰降及殷湯外丙仲壬太甲沃丁太

甲祖乙祖辛祖庚祖甲廩辛庚丁武乙太丁帝

乙帝辛王三十

甲子

湯姓子氏其先高辛子契十四王水德都亳今偃師

也也昭明○相土○昌生○曹園○冥○振○微○

報丁○報乙○報丙○主壬○主癸履也子王名履

字天乙以乙日生也黃帝二十一代孫其先契母

簡狄吞於卵剖背而生契以有鳥目子而生故

姓子氏有改祝 德及禽獸矣 夏桀不道舉伊尹為相伐之承祚

東征西怨南征北怨大旱七年自責六過燒身乃

雨乙未立大治十三年壽一百歲建丑為正號年

曰祀謚曰除 代有彭祖 姓錢名鏗賢大夫也壽八百歲好述古事謚曰彭祖

外丙 湯次子 治三年 ○ 仲壬 外丙弟 治四年

太甲 湯長孫太丁子立而不明伊尹放諸 桐宮三年悔過復迎歸亳政其位 治三十三

年立廟六 湯二穆昭 太甲郊祀祖宗 郊冥帝嚳配天祖

祖契 宗湯 配文祖太 太甲祀

甲子 沃丁 太甲子 辛巳立治三十年 八年伊尹卒

太庚 沃丁弟 治三十年 一云二十五年 今紀三十五年古

四卅五 通載表 十

甲子 小甲 太庚子 治十七年 七年二月甲申朔起曆

雍已 小甲之弟 治十二年

甲子 太戊 雍己弟初立不道諸侯叛之 治七十五年

仲丁 太戊子自亳 治一十七年 十一云

甲子 外壬 仲丁弟 治十五年 ○ 河亶甲 外壬弟復遷 治九年

祖乙 東皮氏又遷于耿今河 治一十九年

甲子 祖辛 乙之 治十六年 ○ 沃甲 祖辛弟 治二十五年

祖丁 沃甲兄 治二十五年 ○ 南庚 沃甲子 治二十九年

陽甲 祖丁子 治十七年

甲子 盤庚 陽甲弟改殷曰 治十八年

甲子二

小辛弟治二十一年殷道衰百姓思先帝作盛庚三篇

小乙之弟治二十二年

武丁高宗諒闇三年君不言禮云三年之喪君不言

祖庚子治七年祖庚弟治十六年商道廢

廩辛子治六年廩辛弟治廿一年廩辛弟

武乙獵河渭間暴雷震死治四年民

太丁子治三年帝乙商道衰治三十七年

紂辛一名受得帝乙之子微子啓弟啓之母賤在朝不

外用惡來設酒池肉林糟丘使男女僕形相逐其間作長夜宮計一百二十日為一晝夜制炮烙刑

通載二卷 十一

甲子二

十一年諸熱熨斗衣寶玉衣剖賢人之心斲朝涉之治三

凡三十主通六百二十九年

周雷氏曰下迨有周文武成康昭穆共懿孝夷厲宣幽攜平桓莊僖惠襄頌

定簡靈景悼敬元貞哀考威烈安夷顯

甲子二

文王都姓姬氏至武王地王木德其先起于后稷帝嘗之

履大迹而生有異相素之既楚牛馬不踐移山獸育置水禽養復敬而育故名棄姓好種植事

于克郃曰后稷功封也不密鞠公劉慶節皇僕

○堯弗毀渝○公非高圉○亞圉公祖額

○太王亶父古公曰生三子太伯虞仲季歷文王初國

于幽古公迂于岐伯仲知古公欲立季歷以傳昌
乃奔荆蛮果立歷以傳昌也古今記世紀有異于
史王名昌季歷子西伯大有賢德在位五十年

信接九禮曰文忠重八卦之爻為周易

老陽也 震三宮七數也 坤二宮六數也 艮八宮七數也 坎一宮七數也 巽四宮八數也 離二宮七數也 震三宮七數也 坤二宮六數也 艮八宮七數也 坎一宮七數也 巽四宮八數也 離二宮七數也

宮二八少陰 坤二宮六數也 艮八宮七數也 坎一宮七數也 巽四宮八數也 離二宮七數也

有六交六神名玄武騰蛇勾陳伯夷外齊

青龍朱雀白虎玄武騰蛇勾陳伯夷外齊

聞西伯善養老歸之 又請紂去炮烙之刑

武王發 周文王子既立以太公望為師周公旦為輔召

畢之徒為左右同謀伐紂起兵洧水諸侯不期會

五フ三ハ

通載二卷

十二

者八百皆云紂可伐矣戊午日兵臨孟津癸亥夜

陳于商郊甲子戰于牧野前徒倒戈血流漂杵既

克殷大定天下 歸馬華山之陽倒載干戈在位七

年 壽九十三葬于鎬禮曰天下有王今地建國置

都立邑 古制王畿千里公百里侯七十里伯子男

五百里侯四百里伯三及曰附庸葬之以翼武王本

置其形如飾棺乙卯立建子為正

十四國諸侯隨王代封雷氏曰 鄭宋晉吳

陳杞曹蔡燕各出其代

吳太伯

楚蠻諸侯十四 莫仲奔于荆蛮斷髮文身

曹

稱王吳武王克殷封章為吳章至壽夢十九世
立讓兄諸樊吳人同立扎扎大有賢德欲立扎
立封扎于延陵自太伯至夫差二十世越

王勾踐滅之周章至夫差二十世越
一君六百五十五年敬王時也

太宰問孔子曰非夫聖人也三王聖者與曰三

王善用智勇聖則非丘所知五帝聖者與曰五
帝善用仁信聖則非丘所知三皇聖者與曰三
則孰為聖者與夫子有間動容而對曰西方
有聖者焉自行不蕩而平民無能名焉

齊太公望亦名呂尚東海人也本姓姜氏其先
一燕之地獵渭而會曰吾望子久矣曰名呂望

臨淄也至小白稱桓公始霸自太公厲公文
呂伋乙公癸公哀公胡公獻公武公厲公文

齊

通載二卷

十三

公成公莊公釐公襄公桓公孝公昭公懿公
惠公頃公靈公莊公景公孺子悼公簡公平
公宣公康為田和篡滅共三十七年也
百四十七年當周安王十七年也

邾寧戚晏子之徒景公之後也

陳胡公滿有虞之後姓媯氏昔舜為庶人堯妻
乃求舜後得滿封于陳以奉舜祀是為胡公

自胡公下申桓孝慎幽釐武英平文桓厲莊
宣穆共靈成哀惠懷潛二為楚滅之也

杞東樓公夏禹之後殷時或封或絕武王克殷
于杞陳留雍丘縣是也自東樓公至

簡公春二十九年君五百三十九
年定王二十九年楚惠滅之

曹邾振鐸文王弟六子武王弟封之于曹今濟
陽定陶縣也至伯陽好田弋怠政而

三後曹伯莒伯晉于宋自振鐸下太伯仲君宮
伯孝伯夷伯幽公戴伯惠伯頌伯穆公桓莊

世傳昭共文宣成武平悼襄隱靖伯陽二十六年為宋景公也滅之

蔡州度

管文王第五子武王弟克設後封蔡度于蔡使二相紂子武庚一名祿父治殷餘民自度至侯齊二十七君

魯周公旦

武王崩後輔成王使子伯禽代就于魯公識曰我文王武子武王弟成王伯禽于天亦不武矣然我下沐三握駿一食三吐哺起以侍受怨失天下賢人子魯之魯母以國驕人伯禽受命于魯自伯禽下考煬幽魏屬獻真武懿伯御孝惠隱桓莊閔僖文宣成襄昭定哀悼元穆共康景平文傾三十四君九百一十五年至秦莊襄元年楚考烈王滅之○隱公春秋始哀公卒哀公卒十六年孔子卒

五十六

通載二卷

古

燕召公奭

與周同姓武王克殷封于燕成王時行鄉邑有甘棠樹決獄其下名卒民思伯不敬代之作甘棠詩焉自公之下元世王惠侯釐傾哀鄭孝成潛釐桓宣昭文武懿惠悼元平簡獻孝成潛釐桓宣昭文武懿惠悼成孝今喜三十七君八百九十四年秦始皇滅之

成王誦

武王于洛年十三即位周公攝政制禮作樂天下和睦七年歸政于王卜世三十年七百治四

十七年周公定君臣禮樂成王褒之制三公太師

九年卿刑律四宗正主皇親五太府主庫藏六司

太九卿刑律四宗正主皇親五太府主庫藏六司

農主種植七鴻臚主蕃客八二十七大夫九品八

十一元士重定五刑立七廟制禮曰廟三昭三穆

裕
夾何

與太祖之廟而七注曰此周制也昭明也察下為義穆
二祧與清廟四七太祖居西面東三昭出面南三穆面
肅也敬上為義太昭主歲武廟有禱出主祭于壇
址凡穆主歲文廟昭主歲武廟有禱出主祭于壇
文武二祧朝享之皆四孟月無禱乃止矣
獻之于祧有禱則出迂祭之無禱乃止矣

姜閔宮
姬先妃

周十五
周十五

周十五
周十五

周十五
周十五

始后夏
太宗裕先王
祖迁主藏之

庭碑

屏疏

除地為壇
鬼為壇
鬼為壇

周十五
周十五

周十五
周十五

周十五
周十五

祭法曰

凡祭有四春祭曰禘薄也夏祭曰禘第也
秋祭曰嘗嗜百穀味冬祭曰蒸進也品物也

五十七

通載二卷

十五

進之天子祭天地一年九祭三祭司命雷門行厲
大帝諸侯祭社稷大夫祭五祀三祭司命雷門行厲
五也○諸侯一穆適士官師二昭庶二穆一大夫三廟無
祖與一昭一穆適士官師二昭庶二穆一大夫三廟無
廟祭之郊禘祖宗配禘帝嘗文祖祖○郊稷王配宗武亦
于寢矣成王祭三人曰祭地曰祀明堂制也布政之宮
父也成王祭三人曰祭地曰祀明堂制也布政之宮
陽也成王祭三人曰祭地曰祀明堂制也布政之宮
七也成王祭三人曰祭地曰祀明堂制也布政之宮
八也成王祭三人曰祭地曰祀明堂制也布政之宮
十也成王祭三人曰祭地曰祀明堂制也布政之宮
十二也成王祭三人曰祭地曰祀明堂制也布政之宮
十四也成王祭三人曰祭地曰祀明堂制也布政之宮
十六也成王祭三人曰祭地曰祀明堂制也布政之宮
十八也成王祭三人曰祭地曰祀明堂制也布政之宮
二十也成王祭三人曰祭地曰祀明堂制也布政之宮
三象龍象其聖人變化華蟲其雉也象
其明龍象其聖人變化華蟲其雉也象
其藻水象其草也粉米為其養而粉山不貴靜取其勢也火
也取其神銳之斧與黑謂之黼為黑與青謂之黻
不取其銳之斧與黑謂之黼為黑與青謂之黻

雖
水魯



雖宗彛宗也
雖宗彛宗也

稷神

取其能辨是丙戌即位
昔屬山氏之子名柱善植五穀夏禹之前皆
配祀稷周公后稷代之自周而下皆配祀矣

五穀之長祀以報其功也五穀者稻粱菽麻麥分成功百也

宋晉衛楚四國成王封

幼同姓者長曰伯父異姓者

長曰伯舅幼曰叔舅

宋微子啓

紂之庶兄武既克殷啓乃持祭器造
于軍門袒肉面伏左牽羊右把茅膝

行而前武王遂釋微子封紂子武庚以續殷
祀使管蔡二弟傅之武王崩紂子武庚以續殷
祀至王命誅武始霸乃封啓下微仲稽丁潛湯厲釐
後至襄戴武宣穆傷莊潛始桓襄成昭文共平
元景昭悼伏辟別成偃公稱王淫亂無道諸
君侯與齊魏楚伐之三其地凡三十九年也

五〇五三

通載二卷

十六

晉祁虞

字子干武王子成王弟成王與祁虞戲
削桐葉為圭以與虞曰以此封君史佚

曰請擇日立并虞王曰吾與戲焉佚曰天子
無戲言遂封于唐今河東皮氏也祁虞子變
是為晉侯至獻公滅虢始都後文公重耳始
霸自祁虞下變武成厲靖釐獻穆殤文昭孝
鄂哀潛獻惠懷文襄靈成景厲悼穆殤文昭
出哀幽烈孝靜公也三十一君七悼平昭頃定
年安王時韓魏趙滅之

衛康叔

文王第九子武王同母弟成王以殷餘
民封康叔為衛公居河淇之間故商墟

也至元公徙野王縣今河內也自康叔下康
伯孝嗣康靖真項釐共武莊桓宣惠辛懿文
成共穆定獻殤襄靈出莊班起悼敬昭懷
声成平公嗣懷元君角凡四十三君九百年
也秦二世廢
君角為庶人

楚熊繹

也成王季連以後芋為氏後裔
也顯項之後至季連以後芋為氏後裔

今江陵枝江縣也至申君徙都壽春自繹至負芻二十五君計七百八十九年歸秦

康王釗子成王名畢二公受顧命而相之二世安寧刑

錯不用四十餘年治五十二年癸亥即位

比丘一清書

佛祖歷代通載卷第二

六十一

道載二卷

十三

論不用四十餘年治五十二年癸亥即位

康王釗子成王名畢二公受顧命而相之二世安寧刑

今江陵枝江縣也至申君徙都壽春自繹至負芻二十五君計七百八十九年歸秦

